

遼史紀事本末

遼史紀事本末卷七

馳封資政大夫特賞內閣中書前江西峽江訓導萍鄉李有棠編纂

征撫高麗

太祖卽位之元年冬十月戊申高麗遣使進寶劍高麗爲古箕子始封地當唐季高氏政亂國危其臣王

建以大族承其敝權知國事據有三韓

攷異王溥五代會要云本

扶餘別種國都平壤卽漢樂浪郡故地東隣新羅西

至營州南至百濟北至靺鞨東西三千一百里南北

千里國相號大對盧外官有傳薩通使等名通鑑云

唐滅高麗天祐初石窟寺有僧射義聚衆據開州稱

王號大封國性殘忍海軍統帥王建殺之自立復稱

高麗王後梁龍德二年也徐兢宣和奉使高麗圖經

云王氏之後先蓋高麗大族當高氏政衰國人以建賢

立爲君長後唐長興三年稱權知國事請命於明宗

遼史紀事本末卷七

拜元菟州都督充大義軍使封高麗王晉開運二年
卒葉夢得石林燕語云高麗自三代以來見於史者
句驪其國號高其姓也隋去句字唐以來止稱高麗
五代史記後唐同光元年韓申來其王尙姓高長興
中始稱權知國事王建王氏代高當在同光長興間
而史失其傳孫穆雞林類事云建後傳位不欲與其
孫乃及於弟生女不與國臣爲婚嫁無聘財男自妻之
王姬之貴不當嫁也國人婚嫁無聘財男女相欲
爲夫婦國城三面負山北最高峻有溪曲折貫城中
西南當下流城周二十餘里亦堅壯各官月下朝參
文班百七十二員六拜舞蹈因國王還禮稟事膝行而
前癸未年倣本朝鑄錢交易以海東重寶三韓通寶
爲記中邊圖制考云朝鮮分其國爲八道中曰京畿
東曰江原本濊貊地西曰慶尚乃黃海古馬韓舊地南曰忠清古
羅本下韓地東南曰咸鏡本高句驪地西北曰平安本
馬韓之域東北曰咸鏡本高句驪地西北曰平安本
朝鮮故地東西南瀕海北隣女直西北抵鴨
渌江東西二千五百里南北四千五百里所載互異
通使焉
三年天顯二年來貢太祖神冊間始進寶劍在天贊

年時尙未
建元也

神冊三年春二月高麗遣使來貢

天贊四年冬十月辛巳高麗來貢

太宗天顯十二年秋九月辛未遣使高麗云攻異通鑑

建是時出兵擊破新羅百濟於是東夷諸國皆附以

開州爲東京平壤爲西京及六府九節度百二十部

隋書新羅之先附庸百濟百濟其先出自高麗東明

之後有仇台者始立國於帶方故地初以百家濟海

故名李蕞長編云高麗東南臨海西北接遼女直黑

水自王建并新羅百濟之地至王徽蓋百七十餘年

王居蜀莫郡曰開州號開城府新羅曰東州號樂浪

府爲東京王居東北二十日行百濟曰金州號金馬

郡南十二日行扶餘舊地曰公州號扶餘郡又南二

十日行平壤日鎬州爲西京鳴洑江爲西北微東所

臨海水極清下視十丈入登州至千里長沙卽濁天

聖以前使由登州入熙甯以後皆由明州言登州路

有沙蹟不可行其自明州還遇順風四日夜抵黑山
已望其國境自是山入島嶼安行便風七日至京口
陸行兩驛至開州所載甚詳

會同二年春正月乙巳以受晉上尊號冊遣使報高

麗攻異鄭麟趾高麗史云太祖二十五年冬十月契

和嗣棄好殄滅此為無道之甚不足結隣流其使三

十人於海島繫橐駝萬夫橋下皆餓死時會同五年

也通鑑目錄會同八年契丹攻晉高麗王建請於晉

帝共擊契丹助渤海建卒予武立帝遣使諭之以他

為解宋白續通典云晉天福中有西域僧襪囉來朝

善火卜俄辭高祖請游高麗王律甚禮之時契丹併

渤海之地有年矣建曰渤海本吾親戚之國其王為
契丹虜吾欲為朝廷攻而取之且欲平其舊怨師回
為言於天子當定期兩襲之襪囉遣奏高祖不報出
帝時復奏之帝遣郭仁遇諭建夾攻會建卒武嗣與
大臣不叶性怯懦所言皆虛誕耳王溥五代會要云
晉開運三年武嗣位十月遣廣評侍郎朝立珪前禮

賓卿金廉等十八人來朝命光祿卿范光政洗馬張李凝冊武爲高麗國王武卒子昭立漢乾祐末年也高麗圖經云昭於建隆二年遣使朝宋加功臣號及食邑開寶九年昭卒子佃立遣使請命封爲國王太平興國七年佃卒弟治乞襲封從之高麗外紀未載

聖宗統和元年冬十月帝將征高麗親閱東京兵馬三年秋七月甲辰朔詔諸路繕甲兵以備東征高麗丁卯遣使閱東京諸軍兵器及道路尋以遼澤沮洳罷其役攷異薛應旂通鑑云太平興國五年六月高麗遣使來貢雍熙二年九月遣使如高麗時議伐契丹以高麗與接壤數爲所侵命韓國華詔諭發兵西會高麗遷延未卽奉詔國華屢檄督催之得報發兵乃還時統和三年也據此則高麗有發兵會伐之事外紀未載

十年冬十二月遣東京留守蕭恒德等伐高麗攷異恒德

傳六年高麗未附恒德受詔率兵拔其邊城王懼始
上表乞降畢沅續通鑑云十年冬高麗遣徐熙崔亮
等軍北界聞遼師攻蓬山郡獲先鋒軍使尹庶顏等
兵不得進時高麗成宗文懿王十二年冬十二月事
見東國通鑑紀
及外紀均未載

十一年春三月丙午高麗王治遣朴良柔奉表請罪

詔取鴨淙江東數百里地賜之江在吉林烏喇南源

朝鮮分界至鳳凰城東南入海攷異通典云卽古馬
訾水也高麗恃此爲天險唐書云出靺鞨之白山色
若鴨頭號鴨淙水歷國內城西與鹽難水合至安市
入海續通考云國城西北千四百五十里其國東西
南皆瀕海又西大海在黃州長州鎮東流入大通江
大通江在平壤城東舊名湔水又漢江國城南十里
源出金剛五臺二山合流入海江之南卽古百濟國
地月不唐江黃州安岳縣東西流入大海大江靈州
東西北入大通江大定江在博州城西清川江安州
西南流入海舊名薩水發盧河平壤城西熊津國城

南故百濟海口禮成港開成府南入海按鹽難水疑
卽佟佳江也在吉林烏拉城南八百二里亦名通佳
江南流會鴨綠江明一統志有大蟲江當卽佟佳江
源出龍鳳山分水嶺西南流受哈爾敏諸水鴨綠江
自東來會南入於海畢沅續通鑑云恒德移檄高麗
令具降欵王治數遣使不得要領徐熙請往恒德欲
令拜於庭不可許升堂行禮恒德責其侵蝕邊壤越
海事宋熙謂能逐女直還鴨綠江故地築城堡通編
路則敢不修貢恒德奏聞許罷兵徐乾學通鑑後編
并書於前年今從史東國通鑑云初奉使者爲監察
司憲李蒙戢還奏會議久不報遜甯遂攻安戎鎮中
郎將大道秀郎將庚方與戰克之遜甯不敢復進益
促降復遣閤門舍人張瑩往送還熙乃在方遜甯之
入寇也恐喝脅降羣臣或請降或割地熙力陳不可
及使契丹抗禮不屈終講和親
豈下於富弼乎見東國史畧

十二年春二月己丑高麗來貢三月丁巳遣使請所
俘人畜詔贖還丙寅遣使撫諭之冬十二月戊子高

麗進妓樂郤之

致異東國通鑑云是春二月蕭遜宿

通境土相接雖以小事大固有規儀而原始要終須

從悠久若不設於預備慮中阻於使儀而遂與彼國商

議使於要衝路陌創築城池者尋準宣命自便斟酌

擬於鴨綠江西創築五城取三月初下手修築伏請

大王預先指揮從安北府至鴨江東計二百八十里

酌量遠近并令築城所貴交通車馬長開貢觀之途

永奉朝廷自協安康之計三月遂遣侍中朴良柔如

契丹告行正朔乞還俘口六月遣元郁如宋乞師不

許優禮遣還自是與宋絕契丹遣崇祿卿蕭述管御

史大夫李浣齎詔來撫諭高麗史同外紀未載薛應

旂通鑑云淳化五年七月高麗苦契丹外紀未載薛應

太宗不欲開邊隙詔撫諭之自是不復入貢長編載

富弼疏所言亦同蕭恒德傳云是年從和碩鼎討烏

舍進擊東南諸部至高麗北鄙比還道遠糧絕士馬

死傷甚衆削功臣號後坐事賜死追封

蘭陵郡王外紀未書遼兵至北鄙事

十三年春二月甲辰高麗遣李周楨來貢夏五月壬

子高麗進鴈冬十月甲申復遣李知白來貢攷異西夏於統

和九年遣李知白來謝封冊是兩國使臣十一月辛

酉遣使冊王治為高麗國王尋遣童子十人來學國

語攷異高麗史進鴈之使為李周楨即係二月事復遣左丞宣趙之遴如契丹請婚以駙馬蕭恒德女

許嫁史繫之十四年稍異

十四年春三月壬寅高麗王治表請婚詔以東京留

守蕭恒德女嫁之攷異畢沅續通鑑云高麗請婚遼以蕭恒德女字之尋遣韓彥卿納

幣既而王治殂遼人還其幣據此夏六月己丑高麗

遣使來問起居後至無時攷異高麗史云成宗十五

士張幹忠正軍節度蕭熟葛來冊王曰漢重呼韓位列侯王之上周尊熊繹世開土宇之封朕法古為君

推恩及遠惟東溟之外域順北極以來王歲月屢遷
梯航靡倦宜舉真封之禮用旌內附之誠爰采彝章
敬敷寵數咨爾高麗國王王治地臨鯁壑勢壓蕃隅
繼先人之茂勲理君子之舊國文而有禮智以識機
能全事大之儀盡協酌中之體鳴江西限曾無恃強
之心鳳展北瞻克備以時之貢言念忠敬宜示封崇
升一品之貴階正獨坐之榮秩仍疏王爵益表國恩
冊爾為開府儀同三司尚書令高麗國王於戲海岱
之表汝惟獨尊辰卜之區汝惟全有守茲富貴戒彼
滿盈無庸小人之謀勿替大君之命敬修乃事用合
朝經俾爾國人同躋壽域永揚休命可不美哉幹等
至築壇備禮受冊大赦蓋統和十四年也史繫之十
三年
稍異

十五年秋七月丙子高麗遣韓彥敬奉幣弔越國公

王喪蕭恒德妻也攷異聖宗紀統和四年駙馬都尉

為駙馬都尉蕭勤德祈福公主表並無此名他駙馬
都尉亦無名某德者以其時考之或卽是恒德又統

和十年恒德伐高麗本紀誤作垣德均係一人按恒德傳國舅少父房後巴雅爾之弟尙越國公主拜駙馬都尉遷南面林牙爲東京留守冬十一月王治薨其姪誦遣王

同額來告十二月甲寅遣使往致祭詔其姪誦權知

國事疾大漸召姪開甯君誦傳位移御內天王寺薨

十一月遣閤門使王同額告嗣位十二月契丹遣千

牛衛大將軍耶律迪烈來賀千秋節王迎命告於成

宗梓宮前史於治薨繫之十一月想據遺告之辭

又未載賀千秋事按高麗圖經誦爲治之弟又異

十六年冬十一月遣使冊高麗國王誦攷異東國通鑑云穆宗宣

讓王元年夏四月契丹以前王薨逝敕還納幣之物
明年冬十月復遣右常侍劉績加冊王爲尙書令紀
及外紀
均未載

二十年春二月丁丑高麗遣使來賀伐宋捷秋七月

辛丑復遣使來獻本國地理圖

攷異畢沅續通鑑云明年高麗遣其戶部

侍郎李宣古入貢於宋且言晉割幽冀屬契丹遂直趨元菟屢來攻伐求取無厭乞王師屯境上爲之牽制詔書優答據此則高麗復有通宋之事遼均未之知也

二十二年秋九月己丑以南伐宋諭高麗

二十三年夏五月丙寅高麗遣使來賀與宋和

攷異東國

通鑑云穆宗宣讓王十年春二月契丹遣耶律延貴冊王爲開府儀同三司尙書令兼政事令上柱國加功臣號食邑七千戶蓋統和二十五年也紀及外紀均未載

二十六年夏五月丙寅高麗進龍鬚草蓆及賀建中

京成

二十七年冬十二月承天太后崩遣使報哀

二十八年春二月高麗遣魏守愚來祭三月遣使來

會葬 夏五月高麗西京留守康肇攷異高麗史東國通鑑肇作兆

弒其王誦擅立誦從兄詢攷異宋史及高麗圖經文獻通考均作誦卒弟詢立

畢沅續通鑑云王治妃皇甫氏與外族金致揚通治

杖致揚配遠地治薨誦嗣皇甫妃攝政召致揚還生

子謀立為王誦從弟詢號大良院君妃忌之命為僧

遣人潛害賴寺僧匿免誦疾論蔡忠順輔立詢忠順

召康肇未至其父使趣行乃入廢王誦為讓國公尋

弒之殺致揚遷妃於黃州迎立詢是康肇之禍始皇

甫妃且忠順召之也高麗史云獻哀王太后皇甫氏

戴宗女生穆宗攝政居千秋殿世號千秋太后忌顯
宗令出家寓三角山神穴稱神穴小君太后謀害之
不果忠臣義士多以非罪陷之十二年正月千秋殿
災移居長生殿後康兆殺金致揚父子弒穆宗遷太
后居黃州者二十一年以顯宗二十年薨於崇德宮
年六十六葬幽陵東國通鑑云致揚洞州人詐祝髮
出入千秋宮有醜聲成宗杖配遠地太后召入貴寵

卷之七

七

無比勢傾中外起第三百餘間窮極壯麗日夜與太
后游戲無忌洞州立祠曰星宿寺宮城西北隅立十
王寺圖像怪奇潛懷異志其鐘銘曰當生東國之時
因修善種後在西方便之日共證菩提王欲黜之不果
也又詢寓崇教時僧夢大星隕於寺庭變爲龍旋變
爲人即大良君也衆多奇之當忠順受顧命出與崔
沅議遣皇甫俞義文演往迎詢會西北巡檢使康兆
來遂謀廢立先是王知致揚謀變李周楨黨附出之
召兆入衛兆與吏部侍郎李鉉雲等領兵至平州知
大良君將至遣御史金應仁往迎立之廢王弑之於
積城縣火葬恭陵諡愍秋八月帝欲發兵討高麗蕭
宗紀及外紀均未載、秋八月帝欲發兵討高麗蕭
廸里原作敵烈字尼嚕古宰相特烈四世孫攷異特
烈本作撻列亦作撻烈名列外戚表而表又未
列廸諫曰國家連年征討士卒抗倣况陛下在諒陰
里名諫曰國家連年征討士卒抗倣况陛下在諒陰
年穀不登創痍未復島夷小國勝之不武萬一失利
恐貽後悔不如遣使往問伏罪則已否則俟服除歲

豐討之未晚不聽丁卯自將伐高麗詢上表乞

不許攷異李燾長編云高麗王詢權領國事嘗築六

州曰郭州遼疑貳於己遣使求六城詢不許遂舉兵

奄至城下焚蕩宮室剽劫居人詢徙居昇羅州以避

之兵退乃遣使請和遼堅以六城爲辭詢卽調兵守

之按聖宗伐高麗實因康肇弑逆至索還六城乃是

後事長編牽合爲一恐係傳聞之

誤昇羅州遼史拾遺作弁羅州

冬十一月乙酉軍

渡鴨綠江康肇拒戰敗之退保銅州攷異東國通鑑

天兵渡鴨綠江圍興化鎮巡檢使楊規鄭成李守和

拒守以箭封書諭之曰朕以前王誦服事朝廷其來

久矣今逆臣康兆弑君立幼故親率精兵已臨國境

汝等擒兆送駕前便卽回兵不然直入開京殺汝妻

孥癸巳又敕曰朕以前王誦將精銳來討罪人其餘脅

禦封陞忽被姦凶所害朕將精銳來討罪人其餘脅

從皆與原免况汝等受前王撫綏之惠知厯代順逆

之由當體朕懷毋貽後悔是日李守和等上表陳謝

遼史紀事本末

卷七

八

甲午賜鎮將等衣物仍敕曰省上所上表奏具悉朕纂承五聖臨御萬邦忠良則必示旌褒凶逆則須行誅伐以康兆弑其故王挾彼幼君轉恣姦豪大示威福故親行誅伐已臨近境比頒綸旨式示招懷遠覽封章未聞歸款汝等必知逆順豈可助謀於逆黨不思雪憤於前王宜顧安危預分禍福乙未守和又回表曰臣等昨奉詔泥輒陳心石望賜泣辜之惠切祈解網之仁王見代表知其不降丁酉解圍以兵二十萬屯麟州南無老代以二十萬兵進至通州移軍銅山下兆分軍爲三拒之丹兵屢退兆遂有輕敵心與史異丙戌肇復出右皮室左皮室稍異詳袞原作耶律達魯敵魯擒肇及副將李立追殺數十里獲所棄糧餉鎧仗無算仲父房之後李立作達魯亦作的珠字伊聶東京留守爲副先鋒與博諾擒肇於銅州博諾傳率鴻觀等擊破三水營擒肇李元蘊等軍望風潰會大軍至斬三萬餘級據此則擒肇非達魯一人之力而元蘊并未言被擒所載互異今從聖宗紀及高麗外

紀鴻觀字巴爾諾延約尼森濟汗之後方興紀要銅

州作綱州未知孰是東國通鑑云契丹先鋒耶律盆

奴率詳穩敵魯擊破三水砦兆方與人彈基鎮兵告

急兆不信言使多入則再告已而不及恍惚見穆宗

立其後叱曰汝奴休矣天伐詎可逃耶肇即脫釜長

跪請死罪俄被縛裏以璫載之去李鉉雲盧戩盧顗

楊景李成佐等皆被執盧顗徐崧盧濟皆死丹兵長

驅而進左右奇軍將軍金訓金繼夫李元申甯漢伏

兵緩項嶺突出敗之戊子銅霍貴甯等州皆降王詢

丹兵小却史未載

乞歸附羣臣請納之耶律揚珠攷異畢沅續通鑑作瑤珠云舊作瑤質字

布爾錦積慶宮人曰一戰而敗遽求納款此詐耳納

官四番部詳袞

之恐墮其姦計已而詢果遁清野無所獲阻險而壘

攻之不下揚珠以計降之都統蕭巴雅爾原作排押進至

努克特原作奴古達嶺遇敵率其從子惠力戰破之辛卯

詢上表請朝許之禁軍士俘掠以馬保佑為開京留

守旺巴

原作王八攷異畢沅續通鑑作昂克巴聖宗紀統和四年太尉旺布原作王八另一人

副之遣太子太師伊林

原作乙凜攷異畢沅續通鑑作伊蘭將騎兵送

赴京壬辰守將卓思正殺遼使者韓吉遜

原作喜孫攷異東國

通鑑作韓杞

等十人領兵出拒保佑等還伊林進兵圍其

城思正先遁遂駐蹕城西高麗禮部郎中渤海托實

原作來降

攷異東國通鑑云王遣中郎將智蔡文援陀失來降西京與軍容使崔昌進次剛德鎮甲寅丹

兵陷肅州盧顗為鄉導與丹人劉經入西京論降副留守元宗爽與僚佐崔緯咸質楊澤文晏等修表欲

降蔡文與昌入城焚表伏兵殺顗經與巡檢使卓思政合兵城守獨大將軍鄭忠節從之丹主又使韓杞

招降蔡文使麾下鄭仁殺杞等百餘人出擊保佑等敗走之乙凜來攷復敗之丹主次城西佛寺思政懼

約將軍大道秀夾攻俄潛道道秀遂降畢沅續通鑑
云思正殺韓杞等又圍高正使館正走餘卒多死正
第進士官樞密庚子遣巴雅爾博諾原作益奴攷異
直學士見本傳
敏等圍開京遇高麗兵敗之王詢棄城遁去遂焚開
京至清江還
神祠得吉兆乃推趙元爲兵馬使閉城固守辛未王
南幸時智蔡文奔還奏西京敗軍狀羣臣議降姜郁
贊獨勸南行賜酒食及銀鞍轡王夜與后妃及吏部
侍郎蔡忠順等出京城二年正月乙亥朔城陷焚燒
宮廟民居皆盡王次廣州失兩王后蔡文至饒吞驛
尋得之乙酉丹兵退又云顯宗元文王元年秋七月
契丹遣給事中梁炳大將軍耶律允問前王故高麗
史云八月遣內史侍郎平章事陳頤直中臺尚書右
丞尹餘如契丹九月遣左司員外郎金延保秋季問
候左司郎中王佐遷將作丞白日昇如東京修好冬
十月癸丑契丹遣給事中高正閣門引進使韓杞來
告興師參政李禮均右僕射王同穎如契丹請和十

遼史紀事本末

卷七

十

遣將軍蕭凝來告親征續通鑑作耶律甯又高正韓
杞畢沅續通鑑作宣問王詢又繫之九月紀載各異

二十九年春正月乙亥朔班師

攷異徐乾學後編所繫於二十八年誤

降諸城復叛至貴德州南嶺谷

攷異聖宗紀原作貴州南峻嶺谷按地理

志有貴德州而無貴州云本漢襄平縣為公孫度所據聖宗升為甯遠軍後更名統縣二貴德奉德今據

高麗外紀大雨連日馬駝皆疲甲仗多所遺棄天霽始

渡鴨綠江詔罷諸軍以所獲頒賜臣工

攷異高麗史云顯宗二年

四月乙丑遣工部郎中王瞻如契丹賀冬至十一月乙

丑遣都官郎中金崇義如契丹賀冬至十一月乙丑

遣刑部侍郎金殷傳如契丹賀生辰十二月契丹殺

河拱辰先是拱辰見康兆已擒勸顯宗請和王筮得

吉卦乃奉命與高英起同使契丹營乞班師往返二

次始得報拱辰被留甚蒙寵遇已而謀歸高麗事泄

被鞫不屈遂遇害李燾長編云契丹大舉伐高麗詢
與女真合兵拒之契丹大敗帳族卒乘罕有還者官
屬戰沒大半乃令幽薊官干仕進及稍知書者以補
其乏歸取甲冑萬副陸慶疑不給拔寨遁歸高麗又
於鴨綠江東築城與來遠城相望跨江爲橋潛兵以
固六城長編繫於祥符三年十一月即遼統和二
八年也而會要載詢表於祥符七年十二月來上稱
庚戌年蕃兵奄至城詢徙居昇羅州調兵守六城又
云祥符三年契丹大舉來伐按庚戌係祥符三年不
知詢表何以如此差誤今從宋史高麗傳或契丹是
歲兩伐高麗初勝後敗耶又雄州言契丹敗歟之狀
上曰戰危事蓋不得已非可好也東都事畧云伐高
麗大敗將士沒者過多按東國通鑑云二年正月乙
亥契丹陷京城焚燒宮闕民居殆盡乙酉兵退此高
麗人所自言雖日月稍異而遼兵實以勝
歸特歸途遇雨多所遺棄耳今從聖宗紀

開泰元年夏四月庚子高麗遣蔡忠順來乞稱臣如

舊詔王詢親朝秋八月己未王詢遣田拱之奉表稱

病不能朝詔復取六州地

改異高麗史拱之官刑部侍郎繫之六月又云九月

己巳遣西頭供奉官文儒領如契丹來遠城冬十月

戊午遣工部尚書參知政事張瑩禮部侍郎劉徽弼

如契丹癸未契丹使太尉韓邠來十二月庚

寅張瑩與契丹引進使李延宏來史均未載

二年夏六月辛酉朔遣中丞耶律資忠使高麗取六

州舊地秋八月己丑資忠使還

改異高麗史云顯宗四年春正月丁酉遣

禮賓少卿張洎如契丹庚寅遣中樞院使蔡忠順如

契丹三月戊申契丹使左監門衛大將軍耶律行平

來取六城夏五月丁酉契丹來告改統和為開泰王

寅女直引契丹兵將渡鴨綠江大將軍金承渭等擊

卻之秋七月戊申契丹復使耶冬十月丙寅詳袞張

律行平來索六城所載各異

馬留

改異畢沅續獻女直人知高麗事者帝問之曰

通鑑作瑪囉

臣三年前為高麗擄為郎官故知之自開京東馬行

七日有大砮廣如開京旁州所貢珍異皆積此勝羅
等州南亦有二大砮所積如之若大軍行由前路取
哈斯罕女直北渡鴨淶江並大河而上至郭州與大
路會高麗可取也帝納之

攷異徐乾學後編繫此事於元年四月方輿紀要云

郭州在平壤西北今曰郭州府所載各異

三年春二月甲子遣上京副留守耶律資忠復使高

麗取六州

攷異本傳作四年高麗史作顯宗六年四月即開泰四年也又資忠作行平亦作行

成今從聖宗紀

夏六月詔國舅詳袞蕭廸里

原作敵烈

及東京留

守耶律托質

原作國實攷異畢沅續通鑑作達實云舊作團石

等率兵討之

造浮梁於鴨淶江城宣義定遠等州

攷異東國通鑑云顯宗五年冬

遠史紀事本末

卷七

七

十月遣詳穩蕭敵烈來侵通州興化鎮將軍鄭神勇
別將周演擊敗之斬七百餘級溺江死者甚衆畢沅
續通鑑云是年十二月王詢遣奏告使尹證古及女
真將軍大千機以下凡七十八人如宋貢方物言契
丹阻其道路久不得通請降尊號正朔許之帝待之
甚厚證古時官工部侍郎詔登州置館於海次以待
之按此時高麗乞和遼不許其通宋固宜長編大干
機作塔沁堅又載富弼疏尹證古作丹證古官工部
郎中東坡志林云淮東提舉黃實言見奉使高麗人
言所不致贈作有假金銀錠夷人皆折壞使露胎素使
者甚不樂夷云非敢慢也恐北虜有覘者以爲真耳
由此觀之高麗所得吾賜物北虜蓋分之矣或者不
察謂虜不知高麗朝我或謂異時可使牽制北虜豈
不誤哉劉延世孫升談圃云呂相端使高麗過洋祝
日回日無虞當以金書維摩經爲謝比回風濤數作
遂取經沈沈之絲竹聲起舟下音韻清越非人間比
沈隱隱而去崔伯易在禮部求奉使高麗故實得中
公事故楊康國錢錕皆寫此經往云方輿紀要云開
泰三年契丹取保定二州仍置保州治來
遠縣亦曰宣義軍卽今安州也所載各異

四年春正月壬寅東京留守善甯平章納爾琿原作

奏已總東征大軍及女直諸部兵分道進討遂遣

使齎密詔軍前夏四月甲寅蕭廸里等師還攻異廸

還加平章事拜上京留守轉東京留守即前諫發兵

契丹大敗而還高麗史云顯宗六年春正月契丹作

橋於鴨綠江夾橋築東西城遣將攻之不克癸卯契

丹圍興化鎮將軍高積餘趙弋等擊卻之甲辰又五

月辛巳命北府宰相劉晟
聖宗紀開泰七年十一月

以劉晟為霸州節度使劉慎行為彰武節度使按地

理事興中府本霸州即彰武軍晟即慎行紀誤分為

耳
為都統樞密使耶律世良副之殿前都點檢蕭

屈烈
攻異高麗外紀作蕭實喇畢沅續通鑑作蕭庫

哩云舊作虛烈續通考云重熙中官侍中擢南

遼史紀事本末

卷七

三

面統軍使封遼西郡王汪輝祖遼史同名錄云卷十
統和元年特里袞卷十九重熙三年山西部族節度
三人同爲都監總兵伐高麗以屐先攜家至邊郡致
名屈烈爲都監總兵伐高麗以屐先攜家至邊郡致

緩師期追還之以世其屈烈進討
月甲寅契丹使監

門將軍李松茂索六城己未攻通州癸亥鄭神勇周

演偕散員任意楊春孫簡康承穎等引兵出契丹軍

後擊殺七百餘級神勇等六人死之丁卯契丹攻宵

州不克退高積餘偕蘇忠元高延迪金克光參等追

擊死之王佐盧元佐被擒契丹取興化定遠二鎮城

之方輿紀要云開泰中伐高麗以俘戶置高州領三

韓一縣金置節度使後廢史均未載李燾長編云祥

符八年十一月高麗進奏使御史均未載李燾長編云祥

東女直首領阿嚕台來貢王表求恩日尊號且言契

丹於鴨綠江創浮橋江東築寨西女真爲鄉導元辭

貌恭恪每宴賜自爲謝表粗有文采朝廷待之厚明
年辭還賜詔書七函衣幣鞍馬元又請錄國朝登科
記及賜御詩以歸按祥符八年
即遼開泰四年也所載甚詳

五年春正月庚戌世良屈烈與高麗戰於郭州西大

破之斬首數萬級盡獲其輜重乙卯師次南海軍世

良遭疾卒攷異高麗史云顯宗七年春正月甲寅契

延相等七人來奔甲辰契丹曹思高忽等六人來投

夏五月辛亥契丹要豆等三人來保王保可新等十三戶來

投乙丑契丹要豆等三人來保王保可新等十三戶來

等三人來投乙酉契丹張烈公現申豆猷兒王忠等

三十戶來投秋七月丁巳契丹由道高宗等九人來

投八月契丹朱簡從道等八人來投九月契丹羅墾

等五人來投辛未契丹奉大高里等十九人來投冬

十一月契丹匡父兒等十人來投十二月乙未契丹

六年春二月丁丑詔詳袞蕭威烏克

原作隗注攷異卷十聖宗紀統

和二年五國烏限于厥節度使將本部兵東征高麗

亦作隗注另一人姓耶律氏

夏五月戊戌以樞密使蕭和卓

夏五月戊戌以樞密使蕭和卓

原作合卓攷異畢沅續通鑑作哈綽字和

擒圖魯卜部人本傳初以謹恪稱居近職明習典故

善占對尤被寵渥擢北樞密使伐高麗還得疾卒帝

密慎勿舉勝己者朴鄒之子烏爾古終本部節度

為都統漢人行宮都部署王繼忠副之殿前都點檢

蕭屈烈為都監代世良往伐賜劍專殺尋攻高麗興

攷異東國通鑑云顯宗八年夏五月

化軍不克還師

契丹蕭台卓圍興化鎮攻九日不克

將軍堅一洪光高義出戰大敗之斬獲甚多徐兢高

麗圖經云天禧中契丹復攻高麗殺戮其民幾盡王

詢至棄國而逃於始駭懼而云蓋遼開泰間事今崧山

萬松皆作人聲始駭懼而云蓋遼開泰間事今崧山

廟在王府北出北昌門行五里許俯視城中如指諸

掌其神本曰高山因夜化松數萬作人語退丹兵後

封其山為崧以

祠之史均未載

七年冬十月丙辰以東平郡王蕭巴雅爾

原作排押聖宗紀時

官國舅平章事東國通鑑東國史略均作蕭遜甯按

遜甯係恒德字見本傳公主表景宗四女觀音第一

封魏國公主嫁宰相蕭繼先二長壽封衛國公主嫁

宰相蕭巴雅爾三延壽封越國公主嫁蕭恒德皆睿

知皇后生四淑格嫁盧俊不諧改適蕭實納渤海妃

生悉與列傳合李燾長編景宗公主三人長英格適

后弟北宰相留珠格次長壽努適后姪東京留守伯

葉三延壽努適伯葉母弟指頭延壽奴出獵為鹿觸

死蕭后繼指頭以殉指頭一作克圖考巴雅爾即伯

葉恒德即指頭音近致訛巴雅爾一作排押公王表

誤作排神係一人續通考云觀音適蕭繼先長壽適

蕭排押封吳國公主開泰六年薨延壽適蕭恒德沈

厚執婦道不以貴寵自驕早卒封越國公主追封趙

國淑哥適盧俊不諧改適蕭神奴按聖宗紀統和初

以皇女長壽嫁宰相蕭布希子烏里亦作吳留以公

王淑格嫁詳衣熙姑又國舅太師蕭達林為子排亞

詩尙延壽公主又為都統蕭屈烈副之東京留守耶

與表異未知孰是

遼史紀事本末

卷七

左

律巴格

原作八哥字鳥庫哩五院部人

爲都監復伐

高麗十二月與戰於茶陀

攷異高麗外紀陀作二河

二河

之間

攷異方輿紀要云在平壤西北陀水一名蛇水唐麗壽恭討泉蓋蘇文敗於蛇水卽此

國

兵失利天雲右皮室二軍漂沒者衆約尼帳詳袞阿

克達

原作阿果達

客省使卓庫

原作酌古攷異景宗紀保甯六年閤門使另一人

渤海詳袞高清明天雲軍詳袞哈里

原作海里

等皆死之

攷異東國通鑑云顯宗九年九月遣禮賓少卿元承

如契丹請和戊戌駙馬蕭遜甯帥兵來侵號十萬王

以平章姜邯贊爲上元帥姜民瞻副之率兵二十萬

屯甯州至興化鎮伏兵山谷以大繩貫牛皮塞大川

賊至大敗之遜甯趨京城民瞻追及於慈州來口山

復敗之侍郎趙元擊之於馬嶺斬獲萬餘級十年正

月姜邯贊以丹兵逼城遣將金宗鉉領兵入衛遜甯

六至新恩縣離京城百里三命清野以待遜甯遣耶

律好德持書告回師候騎三百至金郊驛掩殺之辛巳丹兵退至漣渭州耶贊掩擊斬五百餘級二月丹兵過龜州耶贊邀戰於東郊金宗鉉赴之忽風雨南來旌旗北指丹兵奔北追擊之涉石川至盤嶺僵尸蔽野俘獲無算生還僅數十人丹兵之敗未有如此時之甚東國史畧云耶贊等前後戰於興化鎮及邑州大敗之以功加檢校太尉門下侍郎天水縣開國男畢沅續通鑑姜邯贊作姜郁贊遼師兩敗均作七年冬事月日互異徐兢高麗圖經云在家和尚自爲居室取婦鞠子趨公赴事邊陲有警則團結而出頗勇壯人自裹糧故國用不費而能戰契丹爲麗人所敗正賴此輩耶律烏魯斯傳字留隱韓王實嚕子亦名歐里斯官右皮室詳袞從伐高麗巴雅爾等失利烏魯斯獨全軍還帝嘉賞終西南招討使紀及外紀均未載

八年春三月乙亥東平王蕭哈納原作東京留守巴

格國舅平章事蕭巴雅爾林牙伊濟原作要只攷異

本卷伊勒希巴

蕭要只等坐討高麗還失律數其罪釋之攷異巴雅

少父房後侵宋屢有功官北府宰相封幽王紀載蕭

哈納云舊作韓甯與巴雅爾分爲二人畢沅續通鑑

云巴雅爾字韓隱譯音轉爲韓甯史誤分書耳今仍

從聖宗紀又卓行傳巴雅爾有弟名扎拉字虛華官

甯遠節度性介特淡泊自適退居頡山屢徵不就耶

律資忠重之目曰頡山老人同時耶律官努字奚隱

林牙幹魯孫初爲宿直將軍加歸義節度使輒巴格

請致政與烏里特部人蕭哇友善時稱二逸

削使相降西北路都監攷異宏簡錄後起官東京留

河間高麗追兵大至諸將欲俟其渡兩河而賞有功

後擊之巴格不可及戰遂敗見畢沅續通鑑原作曷不

及卹死事者秋八月庚寅遣郎君赫伯舍式亦作曷

不等率兵會討高麗冬十二月辛亥王詢遣使貢方

物詔納之攷異東國通鑑云八月契丹東京使工部

少卿高應壽來遣考工員外郎李仁澤如

契丹東京王宗沐續通鑑是年七月高麗遣使求成均與紀異

九年夏五月庚午耶律資忠還詢表請稱藩納貢歸

所留王人珠塔里原作只拜林牙在高麗六年忠節

不屈攷異畢沅續通鑑云據聖宗紀只刺里與資忠

小字扎刺是即只刺里使高麗六年歸爲林牙者是

也史或書名或書字遂若兩人矣卷一百六蕭札刺

官定遠節度另一人本傳字烏延使高麗還作權貴

出爲上京副留守四年再使留弗遣著西亭集眷懷

君親及還帝郊迎同載歸拜林牙厯保安昭德節度

烏延一作沃衍系出仲父房兄國留善屬文聖宗重

之爲太后殺人多冤之在獄著兔賦辛未遣使釋詢

寤寐歌爲世所稱見周春遼詩話

罪攷異東國通鑑云顯宗十一年春二月遣李作仁

崔齊顏如契丹請稱藩納貢歸所留耶律行平等八月遣

請稱藩又未列使名賀千齡亦闕書表

遼史紀事本末卷七

七

太平元年冬十一月高麗遣使來貢

攷異徐乾學後編繫之十二月

東國通鑑云顯宗十二年春二月契丹遣御史大夫姚居信來聘三月契丹東京使散騎常侍張澄岳來聘李燾長編云天禧五年九月詢遣奏告使御事禮部侍郎韓祚等百七十人來謝恩且言與契丹修好表求陰陽地理書聖惠方並賜之按禮志載高麗使入見儀甚詳高麗自遼神冊間入貢後至無時其使之入見不自王詢始也且詢後爲欽欽後爲徽遣使不絕而禮志於使入見之儀止書傳宣王詢安否及使奏詢安等語疑此禮之制定自聖宗開泰間契丹國志凡高麗使進貢歸國契丹必命刺史以上官充使一行六十人直送入本國所載甚詳

二年冬十二月辛丑高麗王詢薨其子欽遣使來報

冊爲國王自是朝貢不絕

攷異徐兢高麗圖經云詢卒子隆立優游不斷政荒

力屈憚於北虜復臣事之貢使又絕隆卒私諡曰正子德王欽立與史異東國通鑑云顯宗十三年夏四

月契丹遣御史大夫蕭懷禮等來冊封賜車服儀物
復行契丹年號八月契丹東京持禮使李克方來言
自今春夏季問候與賀千齡正旦使同行秋冬季問
候與賀太后使同行李壽長編云仁宗天聖八年十
二月王詢遣御史同行李壽長編云仁宗天聖八年十
聖八年係遼太平十年而珣於太平二年十二月薨
見聖宗紀長編誤也長編又載富弼疏謂天聖二年
高麗遣使來朝命柳植館接前後四次修貢均言不
願附契丹改事朝廷終不納按天聖二年即太平四
年也又言天聖三年契丹嘗伐高麗高麗殺契丹二
十萬匹馬隻輪無回者故契丹常畏之時朝廷遣李
繼使北回所云東國通鑑又云顯宗十四年四月契
丹遣左散騎常侍武白耶律克恭冊太子欽爲高麗
國公蓋太平三年也顯宗十九年二月遣禮部員外
郎金哥如契丹東京契丹遣將軍耶
律素等來聘爲太平八年史均未載

九年春二月戊辰遣使賜高麗王欽物
鑑云顯宗二

十年九月契丹東京將軍大延琳叛遣太府丞高吉
德告建國兼求援十二月興遼國太師大延定引東

北女真與契丹相攻乞援召輔臣議侍中崔士威平章蔡忠順言兵者危事不可不慎彼之相攻安知非我利但當修城池謹烽燧以觀變耳王從之明年九月興遼國鄂州刺史李匡祿來告急聞國亡留不歸遣金哥如契丹賀收東京契丹遣千牛將軍羅漢奴來詔曰近不差人往還應爲路梗今渤海倫王俱遣國必無虞患紀及外紀均未載

十一年夏六月己卯聖宗崩興宗立甲辰遣使告哀

於高麗改元景福秋七月丙午朔高麗遣使弔慰

高麗史云德宗卽位遣工部郎中柳喬金行恭如契丹會葬且賀卽位王可道奏契丹通好每有并吞志今其王殂駙馬匹梯叛據東京宜乘此時毀鴨綠江城橋歸我行人否則與絕附表請弗許王從可道議停賀正使仍用聖宗太平年號史均未載

興宗重熙四年春二月丁丑高麗遣使來貢

攷異東國通鑑

云靖宗恭惠王元年五月契丹來遼城牒興化鎮曰
竊念貴國原爲附庸先帝每賜優洽積有歲月靡倦
梯航昨因伐罪之年致阻來庭之禮旣剪除於凶逆
合繼續於貢輸曷越數年不尋舊好果石城而擬遮
大徑豎木寨而欲礙奇兵不知蜀國之中別有石牛
之徑舉是役也深取誚焉今皇上紹累聖之基圻統
八方之國界南夏帝王永慕義而通歡西土諸王長
向風而納款唯獨東溟之域未賓北極之尊或激怒
於雷霆何安甯於黎庶卽重熙四年也六年東國通
鑑又云靖宗三年十二月遣殿中少監崔延嘏如契
丹奏狀曰當國伏自前皇太后聖帝降冊命以頒宣
疏土封而定分但茲東域仰戴北辰連年不絕以勤
王遞代相傳而述職頃以先臣亡兄纂承祖業歸附
聖朝間一德之君臨新頒慶澤將兩條之公事專奏
宸聰未垂俞允之恩轉積遲疑之慮自從曩歲以到
今辰雖迭換於炎涼且久停於朝貢近蒙睿旨頗愜
鄙懷謹當遵太后之懿言固爲藩屏撫小邦之樊俗
虔奉闕庭更從文軌以輪誠永效梯航而展禮史均
載未

七年春二月丁丑高麗遣使來貢

攻異東國通鑑云

延報還詔曰卿世稟聲朔歲奉梯航近覽封章備觀

誠懇嘉歎良多勉思永圖無曠述職八月始行契丹

年號遣持禮使閤門祇候金華彥如契丹東京高麗

史云四年正月契丹遣馬保業來四月遣尚書左丞

金元冲如契丹謝恩請年號七月元冲還詔曰省所

上表夏季起居事具悉卿挺生方畧善撫世封得愛

戴於東韓盡傾虔於北闕屬欽蒸之在候馳章奏以

問安嘉賜之懷每興增切又詔曰省所上表謝恩并

獻方物事具悉卿權司國宇欽奉朝廷昨差使人遠

敷忠欸述累世傾輸之節達近年阻限之由乞重效

於梯航願永爲藩翰載觀恭順等示允從煩致謝

章仍陳貢篚顧閱之際媿歎良深又詔曰省所奏行

用年號事具悉卿昨者乞修朝貢等允奉陳使介同

旋不知我紀年之號書文稟用見其向日之誠省覽

嘉王詔曰地拱東域星環北辰愈堅奉上帝之韓保

策勲之典遐馳使取載啟王封是謂恩榮所宜祇荷

又官告曰朕體天洪覆酌古通規內則推皇懷遠

之誠外則付王國專征之柄航棧不可以輕入車書
不可以妄同庶及羣雄永全大義與其軒習弧矢而
夏陳干戚曷若周分藩屏而漢誓山河其有業重桓
文望高辰下紹祖宗之云始革先王之不恭貢土疆
而廣我提封奉玉帛而首諸方面安和是務忠肅爲
容宜舉彝章特敷寵數權知高麗國王王亨奇姿玉
瑩偉量淵渟粹精英而自守名區大開霸府動靜克遵
天之采俯降精英而自守名區大開霸府動靜克遵
於典則寐興能制於驕矜千里甸畿先臻富庶一方
民使咸荷恩榮成奕世之令名得殷邦之異畧是用
專馳駢轡遠降龍綸元菟全封榮加於一字溫貂峻
秩兼示於三師馭貴崇階褒功懿號廣疏井賦茂弊
忠庸於戲星辰在拱北之躔則爲合度江漢得朝宗
之路乃是安流勉服斯言勿煩常訓史均未載按官
告係王亨名亨爲欽子遼史拾
遺列於重熙八年恐誤姑從之

十二年春三月壬辰高麗以加上尊號遣使來貢

高麗史云靖宗八年十一月契丹遣禮部尙書王永
言來詔曰朕以關南十縣我國舊基將舉兵師議復

土壤宋朝果馳專介懇發重言於舊貢外別納金箱
之儀用代賦與之物再論盟約永卜歡和其諸道兵
馬等優給蠲免賦調並已放還本部夫何眇躬成此
美事今文武百辟中外庶官屢拜封章載稽典故謂
予有元功大畧加予以懿號鴻名不獲固辭勉依羣
請已撰定十一月三日兩宮並行大禮卿稱藩事上
望闕輸忠遐想聞知必增歡悅今差永言往彼示
論按上尊號係重熙十一年事至是始來賀耳
十五年春三月丁酉高麗遣使來貢秋八月癸丑高

麗王欽薨遣使來告貢而徐兢高麗外紀時王欽屢次入

嗣立欽子穆王亨皆朝貢不通朝廷亦罷遣使亨子

徽始條貢方物興宗紀及外紀又未列亨名高麗史

云靖宗九年十一月辛巳契丹遣蕭慎微韓紹文等

來冊封詔曰朕猥以眇德嗣受丕圖賴六聖之垂休

致入方之咸乂近從羣懇祇受鴻名凡在照臨畢均

慶賀卿世欽聲朔地襲土茅航海罄述職之儀事大

竭爲臣之節屬陳鉅禮載舉彝章特推進秩之恩併

茂疇庸之數今遣使持節備禮冊命并賜車服冠劍

印綬及國信等物冊文曰朕膺穹昊之寄紹祖宗之
基四表歸仁僊靈旗而定霸百官考禮鏤寶冊以加
尊遐眷帝臣踐開國社航海之誠靡怠帶河之誓彌
堅屬覃慶之在辰宜頒恩而及遠式遵徽典特舉寵
章咨爾高麗國王王亨英哲間時仁慈續服張皇土
宇亘日域以分圻尊弊天朝仰宸居而送欵戴舜樹
弼成之業匡周規夾輔之勤化被蒼隅聲敷青猷朕
昨戒嚴駕巡撫京畿惟邦尹展肆覲之儀都人契來蘇
之望干戈不試獄市惟齊羣方則慕義向風交馳玉
帛隣國則畏威懷德增納金繒聿臻累洽之期適享
虛名之冊是推皇澤首及王藩進絕席之崇資正專
冊命於戲秩爰田益賦美號褒功是用遣使持節備禮
而登漢相維堅君子國冠諸侯王論道而爲周師奮庸
名於長世輝流竹素永惟欽哉按冊文係列亨名遼
史拾遺繫之重熙二年欽尙在亨未立恐誤今附錄
於此史
均未載

十七年夏四月丙子高麗遣使來貢

攷異高麗史云
文宗元年二月

王戊契丹遣忠順節度使蕭愼微殿中少監康化成
等來祭靖宗於虞宮王往參之九月壬午福州觀察
使宋璘來冊王冊曰眷乃馬韓之地素稱龍節之邦
代襲王封品高人爵分頒金盃表榮觀於諸侯申錫
彤茲得專征於四履爰屬傑時之彥允膺纘服之權
載歷臧時式均徽典權知國事王徽應基運之數鍾
英異之靈天麟廻首於龜龍通明嘉瑞日觀編崇於
嵩華夙煥函經負文武之全材識忠孝之大本粵自
勝衣有始構室推良靜守貞純動循禮樂慕桓文之
霸業精衛霍之兵符富厥令圖稔茲淑會泊帥臣之
告闕亟藩國之歸尊而能惠治一方情協羣望因露
章而斯暨致寵數以難稽用顯被於紫綸俾特建於
元社倚爲左相峻陟三卿超躋馭貴之階優賜褒功
之號盈疏實賦劇轉清勲於戲周天王之重非熊止
遙分於齊壤漢高祖之刑白馬仍納約於劉宗順考
古先罕偕恩禮用卜悠長之祚愈堅匡合之誠勉佩
訓言仰迪神祐時重熙十六年也冊文係列徽名按
高麗圖經謂欽卒亨嗣徽於熙甯四年以權知國事
始貢方物遼史拾遺繫之此歲時代各異紀及外紀
均未載東國通鑑云文宗三年正月契丹遣蕭惟德

王守道來冊封并贈車服等物
遼史拾遺載於重熙十八年

十九年夏四月甲申高麗遣使來貢六月甲戌遣使

來賀伐夏捷攻異文獻通考云高麗自王徽以降雖

至尤倨暴館件及公卿小失意輒行粹筆聞我使至

假事相覘分取賜物嘗詰其西南修貢事麗人表謝

表畧曰中國三甲子方得一其朝大邦一周年天每修六

貢契丹悟乃得免玉海云建隆三年十一月高麗王

昭來貢物乾德三年正月獻錦屬刀劍開寶五年八月

貢方物往使遣金行成就學胄監興國二年貢馬三年

昭文往使遣金行成就學胄監興國二年貢馬三年

貢方物往使遣金行成就學胄監興國二年貢馬三年

王詢遣使來貢天禧元年十一月入貢對崇政殿獻

金犀帶三年十一月率東西女真入見貢屬錦漆甲
五年九月入貢天聖八年十二月貢金器見其使長
春殿自是不遠中國者
四十三年所載甚詳

二十三年夏四月癸卯高麗遣使來貢六月壬寅高

麗王徽請官其子詔加檢校太尉攷異東國通鑑云

丹遣耶律革陳顓來冊封并賜車服後遣蕭祿
來冊王太子爲三韓國公時重熙二十四年

道宗清甯元年秋八月遣使報哀於高麗賜以先帝

遺留物冬十一月使來會葬攷異高麗外紀云二年

四年春遣使報太皇太后哀夏五月使來會葬攷異

通鑑云文宗十三年二月遣奏告使員外郎崔奭珍

如契丹時清甯五年也又云文宗十五年契丹遣工
部尙書蕭噉思來十九年四月契丹丹遣耶律甯丁文
遜來冊王又遣耶律廸麻晏加冊王太子兼侍中均

賜車服鞍馬等物當咸雍元年紀及外紀均未載

咸雍七年冬十一月丙午高麗遣使來貢

攷異麗元英文昌雜

錄云熙甯二年命閩浙轉運使招接高麗入貢時舟人傳旋至彼述朝廷意王徽甚喜次年上元然燈如中華旋適在彼見徽賦感天朝招接擬侍中華然燈夜述懷詩曰宿罪應深近契丹歷年徒貢事多般忽蒙舜日龍綸召便侍堯天佛會觀燈焰似蓮裝闕陷月華如水洩雲寒夷身幸入華胥境甚惜今朝漏滴殘轉運張徽上其事王海云高麗自熙甯三年始復來貢四年八月見其使文德殿嗣後七年正月九年十一月元豐三年正月元祐五年十二月皆入貢畢沅續通鑑云熙甯四年五月高麗來貢先是福建轉運使羅拯令商人黃貞招接徽乃通牒福建願備禮朝貢事聞朝議謂可結以謀遼許之乃遣其侍郎金悌等入貢自是朝貢相繼高麗史金悌作金覲王闢人之謂水燕談作金第此外尚有朴寅亮宋代天竹州人由登州入後請改由明州從之是為宋人謀遼之始方以智通雅朴音標官參政文詞雅麗與金覲使

宋宋人號二公詩文爲小華集潘永因宋稗類鈔云
寅亮奉使至明州象山尉張中以詩送之寅亮答詩
序有花面豔吹愧隣婦青唇之動桑間陋曲續郢人
白雪之音等句事聞神宗詢青唇事左右莫對趙元
老答以事出太平廣記云寅亮爲國詞臣以罪廢後
使宋詩尤精如泗州龜山寺詩曰門前客棹洪濤急
竹下僧碁白日閑士夫稱之嘗被海風飄至通州謝
太守曰望北斗以乘槎初離下國指桃源而迷路誤
到仙鄉詞甚切當又朝鮮志云朴淵在天磨聖居兩
山間有盤石湧出中心曰鳥巖昔有朴進士吹笛淵
上龍女感之引爲夫故名朴淵上有祠早禱輒應文
宗嘗登島巖忽風雨暴作文宗驚怖李靈幹作書數
龍罪投於淵龍卽出其脊杖之淵水爲赤王雲雞林
志云龜山有佛龕林木盛遂傳爲羅漢三藏行化至
此滌齒楊枝插地生此木淨水所著今爲清
泉國人謂佛法始興地極所崇奉所載甚異
大康九年秋八月高麗王徽薨八年來貢冬賜高麗
佛經一藏九年十年皆來貢太康二年太后崩遣使
報哀六月使來弔祭四年王徽乞賜鴨綠江以東地

不許本紀同徽字燭幽諡文宗仁孝王葉夢得石林
詩話云高麗久不入貢元豐中始來朝令館伴張誠
一問故曰契丹誅求實不能堪徽常誦華嚴經祈生
中國夢至京見宮闕之盛作詩曰惡業因緣近契丹
殘與前所引文昌雜錄畧異劉延世孫升談圃云契
丹有一佛寺甚壯麗使者至必焚香寺有大佛銀鑄
金錢豐稷奉使見其供具器皿皆神宗賜高麗之物
又高麗制於契丹使至令去殿上鵬尾李燾長編云
元豐元年正月命祕閣校理安燾著作佐郎林希遣
高麗先是王徽比年朝貢上嘉其勤懇待遇甚厚遣
燾等使其國俄罷希勿行以博士陳陸代九月回徽
病表求醫遣翰林醫官邢慥邵化及秦介往王舜封
押行同時言徽生辰遼使馬堯封獻詩曰始從鉤裂
海中天世英雄稟自然掌上寶符鈴造化胸中神
劍畫山川太宗莫取龍川道煬帝誰乘鴨漾船真是
金輪長理國豈論人力四千嶽以錦綉入百匹爲
謝葉夢得石林燕語云元豐三年高麗入貢有日本
國車一乘正使柳洪副使朴寅亮先致意館伴曰諸
侯不貢車服誠知非禮但欲中朝畧見日本工拙爾

詔許特進元豐後待高麗特厚所過州皆爲築館別
庫儲什物始至守郊迎餞如之張安道知南京獨曰
吾嘗班二府不可爲陪臣屈使通判代時稱得體又
中國書舍人契丹仲衍館伴遂爲故事以陪臣處之下契
丹一等契丹館不稱國信恩數從殺大觀後余及王將
館於同文館不稱國信恩數從殺大觀後余及王將
明皆以學士館伴升使爲國信一切視契丹時方經
營朔方賴以爲援也建炎中余爲學士復差館伴辭
疾始復循元豐舊儀長編日本車爲學士復差館伴辭
云元豐六年九月上聞徽卒令明州擇廣大僧寺作
道場一月前夕作水陸一會徽立凡三十六年遣承
議郎楊景畧舍人王舜封往祭奠朝散郎錢勰祇候
宋球往弔慰七年十月以密州商人芊簡爲三班差
使以之往高麗
麗適國信也九月己巳以徽子三韓國公勲權知國

事冬十一月甲寅詔僧善知讐校高麗所進佛經頒

行之十二月辛卯勲薨

攷異東國通鑑云勲少有疾居廬哀毀疾益篤十月乙未

命母弟國原公運傳位遂薨遣侍御史李資仁如遼告哀帝詰問二君連逝必有他故合奏實情資仁力辨語甚切直帝出御城外

大安元年冬十一月丙辰遣使冊勲子運為高麗國

王攷異高麗史云宣宗思孝王元年四月遼敕祭使益州觀察耶律信慰問使廣州觀察耶律彥來甲

戊祭文宗曰惟靈性極禮義之端體含中和之粹王爵馭貴早襲青社之封木神則仁全賦東方之氣躬

懷忠欵以力行述職貢儀而歲至一匡致王朝廷賴其勲千里于蕃生民受其賜方當拱手以仰成何意

上天之不遺聞計悼懷輟朝增歆嗚呼歲陰不留人生如寄一千年時運之逢五十載君臣之義遠藏夜

壑之舟難祕東園之器宜遄遣於輶音俾往申於奠禮魂兮有知歆此至意丁丑祭順宗曰惟靈辰象純

精岳瀆秀氣慶發世國才為王臣甫從英妙之年爰純被寵嘉之命撫封日域述職天朝翊戴輪誠開庇底

父方茂稱藩之績遠纒陟帖之憂議以奪情俾其襲爵指輶駢之既駕聞驛計之云來復嗟殲良益用震

三

倬何舟壑之不息乃人琴之俱亡言念忠國想見風
矩臨遣翰馭往陳莫觴冥神有知諒我遐思東國通
鑑云宣宗二年十一月遼遣保靜節度蕭璋崇祿卿
溫嶠來冊王并賜冠冕車馬三年五月遣知中樞院
李子威謝冊命右丞韓瑩請罷鴨綠江權場五年九
月遣太僕少卿金先錫復請罷權場十一月還詔日
屢抗封章請停權務諒惟細故詎假繁辭邇議便宜
况未創置務從安帖以盡傾輸釋乃深疑體予至意
按宣宗三年五年即遼大安二年四年也長編云元
豐八年十二月高麗賀登寶位使兵部尚書林槩兵
部侍郎李資仁見於紫宸殿
按元豐八年即大安元年也

十年夏六月高麗王運薨其子昱嗣遣使來告即遣

使賻贈入貢異沈括夢溪補筆談云元祐六年高麗使

佳句進奉副使魏繼延句云千仞綵山擎日起一聲
天樂漏雲來主簿朴景綽句云勝事年年傳習久盛
觀全屬遠方賓按元祐六年即遼大安七年也東國
通鑑云宣宗十一年五月壬寅王薨子昱立十二月

遼敕祭使蕭遵列梁祖述詣魂堂祭宣宗慰問使蕭
禕傳詔於乾德殿兼賜贈起復使郭人文等亦於
乾德殿傳詔起復為
高麗國王所載較詳

壽隆元年春二月癸酉高麗遣使來貢冬十一月庚

申高麗王昱疾命其子顯權知國事昱於三年三月

薨封顯為三韓國公攻異畢沅續通鑑作顯云先是

日普天之下莫非王土王臣尺地之餘何必我疆我

理又曰張汝陽之舊田撫綏敝邑同長沙之拙袖忤

舞昌辰參政朴寅亮辭也王善之議遂寢紀及外紀

均未載李肅長編云元符元年十一月高麗遣使尹

璫等入貢按二年正月二日館伴言高麗使尹璫等

欲十三日朝辭詔留之檢實錄諸書并無該臣入見
月日王雲雞林志云元祐五年元符元年貢使再至
徐兢高麗圖經亦云元祐五年則已見十二年貢使再至
獨元符元年須別考詳姑附十一月末又按高麗使
自元祐時屢至京師不知王雲何故但舉兩名豈作

書時只此使貢歟當攷再元符元年即遼壽隆四年也周輝清波雜志云路允迪傳墨卿宣和奉使高麗其屬徐兢倣王雲雞林志為高麗國經考稽詳備物圖其形事為其說蓋徐素善丹青也今圖亡而經存兵燹後徐氏亦失原本雞林志四十卷併載國信所行移案牘頗尤長時劉達吳拭並命往諭國王顯曰女直人等常入貢本朝路由高麗如他日彼求修貢可與同來顯曰明年本國入貢時彼國必有人同入京也海上結約茲為禍始

天祚帝乾統五年冬十一月高麗王顯薨其子俛遣

使來告攷異東國史畧云肅宗明孝王七年遼遣中

館伴初見其年少頗易之一日並轡出郊雪始霽初

唱曰馬蹏踏雪乾雷動緣即對曰旗尾翻風烈火飛

初愕然曰天才也因相唱和及別解金帶贈之東國

通鑑云肅宗九年四月遼遣安遠節度耶律嘉謨利

州觀察使夏資睦來冊王為高麗國王泰州觀察使

耶律師傳鴻臚卿張繼來冊太子為三韓國公均賜

車服等物按肅宗七年九年卽遼乾統二年四年也
又云十年十月丙寅顯薨僖嗣遣中書舍人金緣如
遼告哀至國獲蒙賜宴將奏樂辭曰臣來時羣臣皆服衰經
今至上國獲蒙賜宴雖感恩榮然臣子之情不忍聞
樂王許之見時乞除吉服學士孟初曰殿廷服色宜
從吉但除舞蹈可也明年正月遼遣祭奠使耶律演
左企弓來弔慰使耶律忠劉企常起復使劉鼎臣來
徐兢高麗圖經云遼卒諡宣子堯立以病廢其叔熙
攝政堯卒熙襲改曰顯崇寧二年顯卒僖立以八月
十七日爲咸寧節大會貴近於長慶殿華人在館者
亦遣官爲館伴用三部樂按崇寧二年卽遼乾統三
年與史異方輿紀要云契丹部酋六哥竄入高麗據
江東城女真阿骨打遣兵攻滅之江東城在平壤東
大同江東岸但謂係宋嘉定九年誤紀及外紀均未
載

八年夏四月丙申封僖爲三韓國公贈其父顯爲高

麗國王冬十二月己卯遣使來謝

攷異東國通鑑云
睿宗文孝王三年

二月遼遣崇祿卿張挾來命王落起復清安節度使
蕭良益州觀察使李仁洽來冊王守太尉中書令明
年十二月遣都官郎中李國瓊如遼
奏還女真九城紀及外紀均未載

天慶二年冬十月辛亥三韓國公俟母卒來告即遣

使致祭起復攷異東國通鑑云睿宗七年七月己巳

羽如遼告哀遼遣永州觀察使耶律固太常少卿王

佖泰州觀察使蕭迺來弔祭金陵黃氏書目云耶律

純星命秘訣四卷純於政和二年使高麗傳其國禱

師星命之學政和二年即遼天慶二年也外紀未載

三年冬十二月庚戌高麗遣使來謝致祭及起復攷

東國通鑑云睿宗十二年二月金緣馳奏金取遼開

州襲來遼城下大夫乞打柳白三營盡燒戰艦統軍

耶律寧刺史常孝孫等率其衆載船二百四十艘出

泊江頭移牒我甯德鎮以來遼抱州二城歸於我遂
汎海而遁時天慶七年
也紀及外紀均未載

天慶十年春二月遣使乞兵於高麗金人責之兵不

果來而遼亡矣攻異張世南游宦紀聞云余家嘗藏

正使知樞密院李資德副使禮部侍郎金富轍至本

朝謝恩進奉各有四六做中國體李云云云云云云

江干之雲特賜節亦既觀謫廟止幸堂上之披風况飛五

朵之雲幸被餘光之幣禮當拜受心則愧惶金云穆

如清賦以有容敢以菲微而廢禮所塵名品列具梁

濡按資德為尚書令資謙弟富轍兄富軾博學強識

善屬文知今古富轍亦有時譽其命名之意蓋有所

慕文章動蠻貊此語不誣是年又請遣能書者至國

遂命徐兢為國信使歸撰高麗圖經上之徽廟喜擢

宗丞兼掌書學與前所引清波雜志稍異王雲雞林

志云高麗善染彩紅紫尤妙紫草大梗如牡丹搗汁

染帛黃漆生島上六月刺取滌色若金日暴則乾本

出百濟今號新羅漆又云王於國中出債收有陳道

晉人其國為商曰今以官奴求息俾之日納磨絲貌

者倍其收若得子則沒入為奴婢高麗圖經云普

者倍其收若得子則沒入為奴婢高麗圖經云普

者倍其收若得子則沒入為奴婢高麗圖經云普

者倍其收若得子則沒入為奴婢高麗圖經云普

者倍其收若得子則沒入為奴婢高麗圖經云普

者倍其收若得子則沒入為奴婢高麗圖經云普

者倍其收若得子則沒入為奴婢高麗圖經云普

者倍其收若得子則沒入為奴婢高麗圖經云普

者倍其收若得子則沒入為奴婢高麗圖經云普

者倍其收若得子則沒入為奴婢高麗圖經云普

者倍其收若得子則沒入為奴婢高麗圖經云普

者倍其收若得子則沒入為奴婢高麗圖經云普

者倍其收若得子則沒入為奴婢高麗圖經云普

者倍其收若得子則沒入為奴婢高麗圖經云普

者倍其收若得子則沒入為奴婢高麗圖經云普

者倍其收若得子則沒入為奴婢高麗圖經云普

者倍其收若得子則沒入為奴婢高麗圖經云普

者倍其收若得子則沒入為奴婢高麗圖經云普

者倍其收若得子則沒入為奴婢高麗圖經云普

者倍其收若得子則沒入為奴婢高麗圖經云普

者倍其收若得子則沒入為奴婢高麗圖經云普

者倍其收若得子則沒入為奴婢高麗圖經云普

通史紀事本末

卷七

天

齊寺有巨鐘形大而聲不揚上有螭紐中有雙飛仙刻銘曰甲戌年鑄用白銅萬五千斤麗人曰昔者置之重樓聲聞契丹單于惡之今移於此所載甚詳

通史紀事本末卷七

遼史紀事本末卷八

馳封資政大夫特賞內閣中書前江西峽江訓導萍鄉李有棠編纂

舒嚕太后稱制

太祖卽位之元年春正月庚寅立皇后蕭氏羣臣上

尊號曰地皇后后諱平小字月理朶舊作鄂亦曰舒

嚕氏原作述律氏改異宏簡錄云遼因笑厥舊俗稱

作改稱蓋以配后土內稱爲母太祖卽位始從唐制

稱后本無姓氏嘗慕漢高稱劉氏其族乙室拔里

亦作伊蘇巴里世任國事比蕭相國故后稱蕭氏舒

嚕后兄子蕭翰妹復爲太宗后故后族皆以蕭爲氏

此本耶律儼所修實錄之說以姓爲太祖所賜國語

解非之故陳大任不取而薛歐二史皆謂太宗入汴

賜后兄姓名曰蕭翰則蕭姓實太宗所賜乃太祖以

前祖妣皆稱蕭蓋後人所追稱也蕭姓於遼最貴世

與宰相選統遼一代任國事者惟耶律與蕭二族而
已又契丹外戚其先曰漢二舒敏氏曰巴哩曰伊蘇濟
勒太宗入汴賜外戚小撒本本與兄益古分營而領
蕭氏按乙室部之先曰撒本本與兄益古分營而領
曰乙室部之先曰撒本本與兄益古分營而領
思後孺思一名胡母里西夏近同鵲元時尙有此姓
胡母里既改蕭氏二族從之實非同姓定著爲二至
云蕭翰本契丹大族其號阿鉢無姓氏太祖命李崧
制姓名以本契丹爲蕭翰此宋人之臆度也其先從隋
蕭后入突厥及后還留遼爲述律氏遼亡爲石抹氏
此元人之附會也契丹字書爲石抹漢字書爲蕭氏
語解云無考就金人石抹爲蕭觀之知契丹語而金
人沿之也太祖命后族姓蕭氏則述律本回鶻姓改
爲蕭氏後人附會爲一耳見周春遼詩話使北聞文
昌雜錄云余嘗見樞密都承旨張誠一說使北聞文
皇官問大臣古英雄爲誰曰漢高祖勳臣爲誰曰蕭
何因譯耶律爲劉氏后亦錫姓蕭氏武珪燕北雜記
云二月一日番中蕭姓者請耶律氏於本家廷席
番中呼此節爲瞎里回六月十八日耶律姓卻請蕭
姓者亦如此之史作押里回見禮志陳浩遼史改證云

國語押里阿今改扎拉巴又謂正旦為廼其先回鶻

人父曰巴噶穆爾原作婆姑梅里攷異陳經五代史補編作容我梅里地

穆仕約尼原作氏為額珍尼郭齊喀原作娶伊勒

都齊原作王女生后於契丹右大部攷異宏簡錄

舍利魏寧生慎思梅里慎思生婆姑梅里一名曰梳

路及迎后至遼土二河之間忽有童謠曰青牛一

卒不見后妃傳諾蘇生巴噶穆爾勒謬居沙哩勒汪

舒舒梅楞舒舒梅楞生巴噶穆爾名淵原作月梳汪

輝祖遼史同名錄卷十一聖宗統和四年朔州節度

卷二十四道宗太康六年同知北樞密後屢見三人

兵御衆后嘗預謀太祖度磧擊黨項留后守其帳黃

頭臭泊二室韋乘虛來襲后知勒兵以待奮擊大破
之名震諸夷母與姑拜之皆踞坐受曰吾惟拜天不
拜人也攷異契丹國志云男女拜皆同其一足跪一
足著地以手動爲節數止於三彼言捏骨地
者卽跪也文惟簡北庭事實云漢兒士大夫見上位
者卽跪也及久濶交見則進退周旋三出頭五折腰相揖
而不作聲謂之啞揖否則爲山野之人不知禮法咸
嗤笑之契丹之人叉手胸前亦皆不作聲是謂相揖
所載甚詳

二年春正月晉王李克用卒子存勗嗣欲結援以叔
母事后幽州劉守光遣韓延徽來不拜太祖怒留使
牧馬后曰守節不屈賢者也宜禮用之太祖召與語
大悅卒引爲謀主吳王李昇獻猛火油以水沃之愈

熾太祖選三萬騎以攻幽州后曰豈有試油而攻人
國指帳前樹曰無皮可以生乎太祖曰不可后曰幽
州之有土有民亦猶是耳吾以三千騎掠其四野不
過數年困而歸我何必為此萬一不勝爲中國笑吾
士卒不解體乎豈有試讐而攻人國者並無試火油
事康譽之昨夢錄云西北邊防城庫皆掘地作大池
縱橫丈餘以蓄猛火油不閱月土皆黃赤又別爲池
而徒焉否則火自屋柱延燒矣猛火油出高麗東數
千里曰初出時因盛夏日力烘石極熱則出液他物
遇之卽爲火惟真琉璃器可貯之中山府治西有大
波池人呼海子邵帥就之以按水戰試猛火油池之
則岸爲虜營用油者以油涓滴入自火燄中過則烈
烟遽發頃刻虜營燼矣油之餘力入水荇藻俱盡魚
鼈皆死周密癸未雜識云南海諸國有泥油今入海
淺蕃船皆蓄之謂之併船中用四人力拖斗上以泥

油着小瓶中檳榔皮塞口燃檳榔皮自高投之泥油着板延不息以水沃之愈熾所制者乾泥與窰灰今官兵船不能近淺番者正畏此耳按今西北邊無猛火油詢諸嶺南習海船者亦不知有泥油也又華夷考云猛火油樹津也一名泥油火類樟腦第能腐人肌肉燃之至水中其燄倍熾見徐應秋玉芝堂談較詳載

四年秋七月戊子朔以后兄蕭達魯原作敵魯為北府宰

相后族為相自此始

七年春三月皇弟埒克原作刺葛等反太祖以兵追之埒

克遣其黨徑趨行宮焚廬帳后急遣舒古魯原作古魯

救之獲其所為天子旗鼓而還

神冊元年春二月丙申百僚上尊號曰應天大明地

皇后三月丙辰立其長子貝

原作

爲皇太子

攷異陳

史補編云神冊六年初王郁說契丹王曰鎮州美女如雲金帛如山天皇王速往則皆已物也不然爲晉王所有矣后曰吾有西樓羊馬之富其樂無窮何必勞師遠出以乘危徼利乎晉王用兵天下莫敵脫有危敗悔之何及王不聽及敗繫郁以歸后傳未載王易燕北錄云戎王太后噴嚏時但是近位蕃漢臣僚齊道治夔離漢語萬歲也王懋野客叢書云隨筆曰今人噴嚏必止者必嘆嚏祝曰有人說我按詩寤言不寐願言則嚏注女思我心則嚏也今俗人嚏云人道我此古之遺語僕觀類要編風類正有是說陳繼儒珍珠船云呵膠出虜中可以羽箭又宜婦人貼花鈿呵噓隨融故名呵膠劉貢父有和陸子履詩曰此膠出自遼水魚白羽補綴隨阿噓

天贊元年冬十一月壬寅太祖以后次子耀庫濟

原作

骨爲天下兵馬大元帥自是屢立戰功

遼史紀事本末

卷八

四

四年春正月壬寅太祖以親征黨項捷報后及太子

丁卯后遣康末怛問起居進御服酒膳夏四月甲子

后及太子迎謁太祖於札里河冬十二月乙亥太祖

親征渤海后及太子大元帥皆從行

攷異陳士元諸史夷語云應天

皇后從太祖征討所俘人戶有伎藝者置之帳下為

屬珊部蓋比珊瑚之寶云按屬珊軍應在兵衛志史

更移之地地理志恐誤王鳴盛十七史商榷云五代史

漢高祖紀德光指知遠曰此都軍甚操刺今人以雄

猛為插刺操刺恐即此意王易燕北錄云諸蕃兵馬

以獲珍思三字為號漢語熊虎二字也正月十三日

放國人作賊三日北呼為鵲里鵲里漢人譯曰鵲里是

偷時是時也我王及臣庶每聞霹靂聲各相鈞中指

口作喫雀聲若見旋風時便合眼用鞭空中打四十

九下口道坤不克七聲漢語魂風也均以為禳厭江

休復嘉祐雜志云契丹謂圭為曜辣北虜冰實羊腸

文州羌取蛇韜首繞頭上治上熱武珪燕北雜記云

契丹呼種田爲提烈又北界漢兒多爲契丹凌辱罵
作十里鼻猶言奴婢也臘月戎裝飲酒呼爲抄離時
炒離是戰時是時戎至別有鼓十六面發更時搖動
至二點住三更再搖呼爲倍其不播鼓是爲鬼契丹
飲宿不逐水草燕北膠弓不易折方以智通雅云中
人帽曰爪拉徐文長曰遼王名查查拉拉或服是帽轉爲
爪拉近有高麗王帽京師呼爲爪拉張舜民使遼錄
云胡人吹葉成竹以蕃歌相和音韻甚和葉子奇草
木子云北人殺小牛自脊上開一孔逐旋取去內頭
骨肉外皮皆完揉軟用以盛乳酪謂之渾脫陶穀清
異錄云北戎蓮實狀長少味出藕頗佳然止三孔用
漢語譯其名曰省事三也又遼東一處有瓜若澆沃
則以酒代水實成破爲一段每段中一子長數寸食
一顆可作十日糧國人珍之名獨子青陳長方步里
客談云古人多轉蓬不知何物外祖林公使遼見
蓬花枝葉相屬團團在地遇風卽轉云轉蓬也

天顯元年春正月太祖平渤海改爲東丹國以太子
爲人皇王置官屬守之秋七月師還甲戌次扶餘府

辛巳太祖崩后稱制權決軍國事

攷異耶律都沁傳后稱制惡都沁四

之誓曰鐵鎖朽當釋汝既而召之使者欲去鎖辭曰鐵未朽可釋乎后聞嘉歎趣召釋之紀及后傳未載

八月甲午奉梓宮西還耀庫濟討平諸州奔赴行在

人皇王繼至

二年秋八月丁酉葬太祖於祖陵當葬時后欲以身

殉百官力諫因斷右腕納於柩

攷異宏簡錄云太祖崩后志召從行將帥

等妻謂曰我今爲寡婦汝等豈宜有夫因殺大將百

餘人曰可往從先帝於地下左右有過者亦多殺於

墓隧中因事怒趙思溫使送木葉山不肯行責之對

曰親莫如后何乃不行乃斷一腕納壙中而釋思溫

不殺所載較詳按地理志云后於義節寺斷腕置太

祖陵卽寺建斷腕樓樹碑焉太祖紀均未載王易燕

北錄云契丹婦人產時望日番拜入日候入帳內以

手帕抹卻契丹晉人眼抱婦人胸卧甘草苗若生男

兒其夫面塗蓮子膳脂或生女時面塗笑墨產母服
黑豆湯調鹽番言用此二物塗面時宜男女貧者否
所載冬十一月壬戌太宗立尊后為應天皇太后

三年改元太宗不秋八月庚辰建太后誕聖碑於儀坤州

方輿紀要云在臨潢東本契丹右大地回鶻部落所
居述律后生於此因建為州治廣義縣攷異胡嶠陷
北記云至儀坤州後建為啟聖軍節度此以其生日
無里埃不知南北後建為啟聖軍節度此以其生日

為永甯節攷異禮志云正旦國俗以糯飯和白羊髓
為餅丸之若拳每帳賜四十九枚戊夜各

於帳內臚中擲丸於外數偶動樂飲宴數奇令巫十
二人鳴鈴執箭繞帳歌呼帳內爆鹽爐中燒地拍鼠

謂之驚鬼居七日乃出立春日婦人進春書刻青繒
為幟像龍御之或為蟾蜍書幟曰宜春凡正月之日

一雞二狗三豕四羊五馬六牛七日為人晴為祥陰
為災俗煎餅食於庭中謂之薰天二月八日為悉達

太子生辰京府及諸州雕木為像儀仗百戲導從循
城為樂悉達太子者西域淨梵王子姓瞿曇氏名釋

堅也其事本末

卷八

迎牟尼以其覺性稱為佛三月三日為上巳國俗刻
木為兔分朋走馬射之先中者勝負朋跪進酒勝朋
馬上飲之是日為陶拉鳴爾布布鳴原作陶里禱國語
陶里免禱射也夏至俗謂之朝節婦人進絲扇以粉
脂囊相贈遺七月十三日之夜天子於宮西三十里卓
帳宿焉翼日諸部落從動番樂飲宴暮歸行宮曰迎
節中元動番樂大宴十六日味爽復經西方諸部落
大課三日送節是為賽音伊能伊原作賽伊呢奢國
語奢好也八月八日中秋移寢帳於其上謂之伊克努
爾原作捏禍耐國語捏禍移寢帳也耐首也歲十月五
進紙造小衣甲褙刀器械萬副十五日王臣望祭木
葉山用國字書狀并焚之謂之達勒噶喀原作戴辣
國語燒甲也臘辰日天子率北面臣僚並戎服戊辰
生朝作樂飲酒等第賜甲仗羊馬是日為綽哈雅布
原作炒伍佩回國語戰時也按五德運補云遼以水
德王又魏臺訪議云王者各以其行盛日為祖辰臘今
為臘水盛於子終於辰故水行之君以子祖辰臘今
禮志以辰為臘可見遼用
水德也見陳浩遼史攷證

四年冬十月甲子太宗以弟魯呼

原作李胡

帥師趣雲中

討郡縣之未附者魯呼太后少子也

五年春正月庚午皇弟魯呼拔襄州捷至因朝太后

及魯呼師還冊爲壽昌皇太子

攷異皇子表及魯呼傳均作皇太弟較妥

續通考云太宗天顯五年六月以太后疾祈於太祖廟聖宗統和四年十月太后爲帝祭神祈福按天顯五年疑係會同五年續通考恐誤

十一年冬十二月戊子太宗以拔晉大捷遣使馳報

太后師還朝見進珍玩爲壽

會同元年秋九月晉遣使來上皇太后尊號冬十一月壬子太后御開皇殿馮道韋勳冊上尊號曰廣德

至仁昭烈崇簡應天皇太后

五年夏六月丁丑太宗聞太后不豫馳入侍湯藥必親嘗仍告太祖廟幸菩薩堂飯僧五萬人至七月乃愈

六年冬十二月太宗如南京議伐晉命趙延壽等分道進諸軍繼之嗣是與晉構怨用兵不休二國俱困太后謂太宗曰使漢人爲胡主可乎曰不可太后曰然則何故欲爲漢主曰石氏負恩不可容太后曰汝今雖得漢地不能居也萬一蹉跌悔何所及又曰漢兒何得一餉眠自古但聞漢和蕃不聞蕃和漢漢兒

果能同意我亦何惜與和其後晉復來請和卑辭謝

過太宗謂使景延廣字航川桑維翰字國僑河南人

陽摺紳舊聞記云維翰應舉張全義言於有司始得

第薛史李悅傳悅知貢舉有舉子孔英者素有醜行

維翰謂稅曰孔英來矣稅不喻其意反疑維翰屬之

乃考英及第此皆以勢利舞弊者又同光三年裴皞

知貢舉所取符蒙正等干物議詔盧質覆試王澈改

第一維翰第二蒙正第三成僚第四皞免議見趙翼

記來議并割鎮定兩道則可和晉人疑其語忿無和

意乃止太宗滅晉歸崩於樂城攻異宏簡錄云太宗

人爲主太宗不可太后怒曰汝得中原不能有用一漢

有禍悔無及矣及喪歸太后不哭撫其尸曰待我國

中人畜如故然後葬汝紀未載歐史云德光入汴述

律后遣人賚書及阿保機明殿書賜之明殿若中國

陵寢下宮之制墓側起屋曰明殿置學士一掌答詔

書每國有大慶弔學士以先君之命爲書以賜國君

日見皇帝書云所載較詳

諸將奉世宗卽位於鎮陽太后屬意於

少子魯呼聞之大怒遣兵迎擊大敗太后親率師遇

於潢河之橫渡賴耶律烏哲

原作星質

諫乃罷之遷居於

祖州之沒打河

致異歐史云蕭翰聞兀欲立追及之與述律后戰於沙河后兵敗而北兀

欲追至獨樹渡遂囚后於撲馬山見胡嶠陷北記與史異方輿紀要云撲馬山或謂卽祖州之白馬山卽祖山在祖州西五里耶律頌格傳世宗卽位碩格奉太宗喪歸上京佐太后出師坐是免官卒后傳未載

應歷三年崩耐祖陵諡貞烈後更洎欽

遼史紀事本末卷八